



ARUBA ANSE COURANT



Diario



pa Aruba



Instala Aire acondicionado na bo cas AWOR!



Tel. 2170

Nr. 4035

DIA LUNA 15 DI MEI 1961

CONFERENCIA PA LAOS NO A DUNA NINGUN RESULTADO

GINEBRA, 15 mei — E ministro Mericano di asunto exterior, Rusk, a participa awe mainta despues di un combersacion cu su colega Ruso, Gromyko, cu durante e combersacion ningun progreso a ser logra. E comunistanan a exigi cu e representantenan di e pro-comunistanan di Pathet Lao haya derechonan completo. Esaki no ta e base riba e invitacion pa e conferencia a ser manda, segun Rusk. Rusk lo delibera cu otro delegacionnan con leuw Merca por bai den e asunto aqui.

Entre tanto nan ta participa for Phnom Penh (Cambodia) cu Prins Sihanouk hefe di estado di Cambodia a haci un peticion na e otro lidernan di e otro agrupacionnan di Laos pa papia cu general Phoumi e vicepremier di e gobierno derechista pa forma un gobierno di coalicion. Si e hefe di estado di Cambodia logra den e intento aqui anto e problema di representacion Laosiano na e conferencia di Ginebra.

Ora cu Rusk y Gromyko a bandona e conferencia tocante Laos nan a tende e Mericano puntra su colega Ruso: "Quico nos lo bisa? Un combersacion largu, pero si ningun decision?" Gromyko a sacudi su cabez riba esaki y a bisa e periodista:

"Mi no tin nada di bisa. Te ainda nos ta deliberando. Nos deliberaonan te ainda no a trece ningun decision". Rusk a bisa e periodista: como contesta riba preguntanan tocante e

conferencia: "Si tami ta boso lo mi reserva mi camber di hotel pa un paar dia mas".

China Comunista a acusa Merca di obstruccion na e conferencia tocante Laos.

Un portavoz di e delegacion Chines, Qoe Leng Sji, a bisa na un conferencia cu e gobierno derechista na Laos no tin e derechi di representa Laos na mesa di conferencia.

El a bisa cu prome Merca a bini cu e idea pa verifica si berdaderamente e tiramentu na Laos a stop.

Den e carta di invitacion pa e conferencia no tabata anuncia cu alto di fuego ta un condicion necesaria pa e conferencia. Entre tanto representantenan di e tres gruponan na Laos a cuminsa awe cu deliberacion politica y militar den un aldea. E aldea aqui ta situa den un territorio cu ta den poder di e trupanan neutralista y comunista.

Pader Sardinas na television

HAVANA, 15 mei — E sacerdote catolico Guillermo Sardinas a declara ayera noch durante un transmision pa television, cu e ta considera expulsion di padernan y religiosonan contra-devolucionario y tambe nacionalisacion di schoolnan, un medida "logica".

Pader Sardinas ta capelan den exercito revolucionario y e tin rango di comandante. Ademá e ta pader na parochia di misa di Christo Rey na Habana. Pader Sardinas ta e unico sacerdote catolico cu, a keda na lado di Fidel Castro den Sierra Maestra, tempo Castro tabata lucha contra e dictador dje tempo ey, Batista.

Durante su declaracionnan pader Sardinas a bisa cu e ta tene su discursio- n cu autorisacion di su superiornan.

Conferencia di juristanan na Costa Rica

WASHINGTON, 15 mei — Di dies-un te diescuater di juni nan lo tene na San Jose (Costa Rica) un conferencia di juristanan di 21 paisnan di Merca Canada y Antillas Frances. Nan lo studia e medionan cu cual e confli- ctionan mundial juridicamente por ser solucionada. E conferencia aki, esun di prome-riba e tereno aki, lo ser sigui pa tres conferencia regional. E prome conferencia regional lo ta na Tokio dia dieshete di september te binti di septem- ber. E otro dosnan lo ser tene na Europa.

E consehonan di e conferencianan regional lo ser atende na un conferen- cia mundial di juristanan na anja 1962.

E juristanan cu ta participa na e conferen- cia ta completamente independien- te di nan gobierno y nan ta asisti na e conferencia den nan calidad como jurista.



RECORDAMIENTO NA GREBBEBERG — Na cemeterio militar na Grebbeberg Dia Huebes mainta seman pasa e solemnidad conmemorativa militar anual lo tuma luga. E ponementu di krans lo tuma luga door di luitenant-general G. J. Le Fevre de Montigny.

Comentario di „Sunday Telegraph“

LONDEN, 15 mei — Segun un corresponsal especial na Lagos, di e corant conservativo Ingles "Sunday Telegraph", armanan Ruso y Tcheco ta ser entrega na e rebeldenan na Angola via Ghana.

Informacionnan cu a ser adquiri door di servicionan secreto di occi-

dente ta indica cu presidente Nkro- mah di Ghana a drenta un arreglo cu Union Sovietica pa laga bapornan Ruso hiba armanan na e puerto Ghana- nes Takoradi.

Den e ultimo seis simannan por lo menos siete hapor di carga di Rusia a descarga armanan na Takoradi.

E descargamentu di e bapornan a tuma luga anochi door di gruponan special di trahadornan, mientras cu un cordon di polis a ser forma rond di e sitio unda e bapornan tabata ser descarga.

viah pa Puerto Rico cu TCA y Con- dado Hotels Inc. a regale y tambe e viahe pa Miami cu e firma Mario S. Arends, agente di cigarranan Viceroy na Aruba, tabatin pe. Un di su aspi- racionnan semper tabata di viahe. E oportunidad a jega y el a tumé Ade- mas e tabata den bon compania y no tabatin un hende cu no tabata kier pa e viahe. Ni sin joneuman, pasobra esaki Gladys no tin ainda.

Na aeropuerto di San Juan nan tabata cla ta warda mi. Unda nan a hanta sabi cu mi ta bini y kende mi ta, mi no sabi, pero na pia di avion tabatin cinco sacerdot di portret para cla. Mera e hendenan a cum- minza grita "Tur hende keda den avion y laga e Reina di Carnaval di Aruba pasa prome". Miss Viceroy y su majornan a sali y manera un re- lampago e camaranan fotografico a em- pinza traha.

Gladys a comprende cu no por tabata otro cu hendenan di corant. Hendenan di Condado Beach Hotels, e mesun compania di Aruba Carib- bean Hotel, hendenan di TCA y por ultimo, no por falta naturalmente, famia cu ta bina na Puerto Rico. "Canto anja bo tin?" Unda bo ta traha? "Di unda bo ta?" ta preguntan en e periodistanan a lanza den orea di Gladys, kende naturalmente no ta costumbre di tende esaki na su Aruba frankil. "Ya ta for di aki cuba mi a cuminsa papia riba nos isla, cu mi hopi hende na Puerto Rico ta anda ta desconoci. Mi mester a conta nan di e beachnan cu nan "arena blanco", e hotel Aruba Caribbean, "Basinui", y otro sitio.

E siguiente dia tres corant, di cual- nan Gladys ta corda "El Mundo" y "San Juan Star", a duna un relato di su bishita.

"Hes, mi portret den corant a sali masha. Mi a cose kibra na pila pila". Gladys a bisa bao di hantamento. "Ta di com anto, na Aruba semper bo fotonan ta un encanto?" tabata un otro pregunta.

"Mi ta kere cu pasobra tabata bi- rando seir eaba", Gladys a contesta. "Den 'El Mundo', p.e. nan a dedica un pida na jega di Gladys y su majornan, den cual tabatin cu nos Miss Viceroy ta papia e idioma- nan Hulandes, Ingles, Spanjo y Papi- mento. 'Mientras cu henter Aruba tambe ta papia e mesun idioma- aki', asina e corant a termina.

Den un "guagua" manera nan ta fania e autobus aya na Puerto Rico, e Reina di Carnaval y su majornan

Venta di boeki....atraccion grandi di siman di boeki

ORANJESTAD — Un atraccion gran- di pa e siman di boeki, cu lo worde te- ni na Aruba for di 6 pa 10 di juni vendero, lo ta indubablemente e ben- dimento di boeki. Esaki lo bira ben- dimento di boekin segundamano, cual a bira posibel door cu tur hende por entrega nan boekin usa, cual nan no ta leza mas, na algun personas y en cambio di esaki ta ricibi valenan di valor, cu cualnan durante di e ben- dimento di boeki nan por bolbe compra boekin segundamano.

Pa cada pocket book un persona ta ricibi f 0.25, pa un boeki normal f 0.50 y pa un boeki di mucha f 0.40. Pa e mesun prijs e boekin lo worde bendi atrobe riba mercado, ya cu pues no ta intencion cu e organizadornan haci ganashi. Si hasta nan ta spera perdida na prome lugar y pa cubri esaki, esnan, cu durante di e bendimento di boeki bin compra sin valenan di valor mester paga algo mas cu e valor di e valenan. E valenan cu resta un persona, despues por worde cambia

pa placa na e negoshinan di De Wit. Si un cantidad sufiente di boek- nan di mucha worde entrega anto nan tin intencion pa bai tene un ben- dimento di boeki pa muchanan tambe.

SHOW PA JUDA CONSTRUI KERKI

SAN NICOLAS — Segun "The Lo- cal" d'ayera, un show musical lo wor- de teni dia 18 mei vendero den Club Surinam na San Nicolas, cu e intencion pa hanja algun fondo mas pa juda den e construcion di e Kerki Protestant den Pastoor Hendrikstraat na San Ni- colas. E show ta organza y dirigi pa sra. Bep Meyer. Inclui den e grupo di artistanan local cu lo actua e anochi aki ta e.o.: Padu del Caribe, Pearl Cromarty, Jacques de Miranda, Roy Nichols, "Mike" Pietersz, Gerda Th- jeehut, Kiki Oduber-Bijl, Truus Bijl y Johnny Pietersz y su Grupo Musical.

DIRECTIVA NOBO STICHTING M.O. NA ARUBA

ORANJESTAD — E Stichting Mid- delbaar Onderwijs Aruba, Colegio A- rubano, a hanja un directiva nobo, den cual a tuma lugar algun cambio- nan, door cu sr. J. Huige no tabata re- eligible mas como presidente y sr. J. N. J. Rojer tampoco a pote su mes re-eligible Ademas sr. C. F. van Mer- venne a tuma su retiro como miem- bro di directiva. E carnan nobo, cu door di esaki a aparece tras di e mesa berde tabata srs. F. J. Tromp, P. H. M. Boumans. E directiva actual ta manera ta sigi:

F. J. Tromp, presidente, L. C. M. Kerstens, secretario, P. H. M. Bou- mans, tesorero, sra. M. P. Ho Kane Yous-Sprockel, 2e secretario, Frere Ar- nold, R. H. Beaulon, Pastoor N. C. Erkamp O.P., J. Huige y G. A. Odu- ber, miembran.

DIRECTIVA NOBO PA WOMEN'S CLUB

SEROE COLORADO — Woman's Club na Seroe Colorado a eligi siman pasa un directiva nobo, cu actualmen- te tin e siguiente forma:

Presidenta sra. J. M. Smith, vice- presidenta sra. P. G. Sorenson, tesorera sra. A. G. Gebauer, le secretaria sra. R. E. Morrisson, 2a. secretaria sra. R. J. Richardson, directora di progra- ma sra. G. L. MacNutt, directora di "theekrans" sra. W. G. Demuyt, miembran e damas F. C. Donovan, T. N. Griswold y R. C. Bergfield.

Tres dia cerra pa dama cu no quier sali foi cas

ORANJESTAD — E dama R. L. M. ayera mainta, bau di hopi jora- mento, a bai tres dia pa Dakota. Ora cu huez a sentenciele pa motibo di a maltrata dos miembro di famia J. den Arendstraat. Tur esaki a bini durante un pleito pa motibo cu acusada parece no kier a sali for di e cas, cual e fa- mia J. a hui, cunele.

Bon tempran sra. F. J. huntu cu su dos junan H. J. y C. J. a bai cas di e muher M., pa puntrele ki dia e ta entrega e cas cu e ta bina aden, y cual ta propiedad di e J-nan. Segun un di e testimonian, e J-nan H. J. a de- clarar, nan mester a bati hopi prome cu acusada a gledi di habri bentana. E acusad paden den e cas tabata habri tur cu tin. Parce sra. J. e ora ey mester a bisi acusada pa baha e radio, pasobra e tabata kier pa tur hende tende leke e k'er a bisa acusada. Tes- tigo ta sigi declara cu despues M. a bai paden y leke cu nan no a bina pensa a sosode. El a bolbe cu... un pot di anochi jen jen y a basha e contenido net riba cabez di sra. J. H. J. e ora ey e corre jama polis. E no a mira cu e acusada a tira un p'e- dra tambe cu e coge e otro J-nan muher. C. J. na su pia drechi, lagele tur na sanger.

Dilanti huez ayera acusada a ninga di a tira piedra, pero el a trece adilan- ti cu ta e J-nan a tira un piedra den su cas. Mr. P. A. C. Bondam ni e polisnan no a kere esaki, huzgando e tamano y e piedra, un 30 pa 28 cm., cu imposible por a worde tira pa un hende di afor, sin cu el a haci danijo den vloer di tabla. El a hanja cu e declaracion di acusada ta completa- mente mentiroso y despues cu mr. F. C. Fiek a pidi castigo di f 30.— o 10 dia cera, e huez a manda acusada Dakota inmediatamente cu tres dia. Acusada a cai masha bau impresio- n di e castigo, cu el a dal gritonan duro di joramento, prome di a bandeda e sala....

Sigui leza riba pag. 2



extra refreshing iced tea instantly with cold water!

NESTEA is a modern, instant form of 100% pure tea — Selected Orange Pekoe and Pekoe teas in a delicious blend. Dissolves completely in cold water! No water to boil, no messy tea bags or tea leaves. Try it hot too... it's delicious!



No more melted-down ice cubes! No more watered-down flavor!

NESTEA
100% pure — Instant tea

Gladys Kock a regresa di viahe Dianan di inmenso goso pa MISS VICEROY na Pto-Rico y Miami

SAVANETA PADEN — Te Diasabra anochi ultimo ainda e tabata bau impresion, y esaki lo no bai pa resto di su bida, di su reciente viahe den exterior. Nos ta referi na srta. Gladys Kock, Miss Viceroy y alavez Reina di Carnaval di Aruba, kende pa su belleza cu a dunale e titulo a gana tambe un viahe pa algun dia di vacacion na Puerto Rico y Miami. Gladys a viha acompaña pa su papa y mama Sr. Evaristo Kock y Sra. Rosa de Kock y el a hanja e viahe e „cos mas dushi den su bida te ainda“.

„Nos a pasa asina bon cu ni chens nos no a hanja pa scribi e hendenan na cas“. E frase aki so ta papia pa su mes ki bon Gladys huntu cu su papa y mama a pasa nan 8 dia na Puerto Rico y 4 dia na Miami.

Gladys ta e mucha muher carinosa cu personanan cu pasa riba caminda grandi por mira para cu un sonrisa den porta di Savaneta Store, de bez en cuando hizando man pa un cono- cir cu a pasa den auto su dilanti.

Diasabra anochi nos a conocele mas mihor, ora cu den Savaneta Paden nos a pasa Club La Fama, di cual club Gladys ta miembro fiel di e equipo di volleyball di damas, jega te na e Cas di Frereman Huize Maris Stella y pariba di e lugar aki nos a kita pa robez, hanjando nos cara cu Gladys, para den porta di su cas Sa- vaneta 380, cla pa introduci nos cu e hendenan di cas.

Ora cu dia 25 april ultimo huntu cu su majornan el a borda e avion DC-6 di Trans Caribbean Airways na aeropuerto Princess Beatrix tabata prome baha cu Gladys a for di Aruba. Nos ta ganja tog un tiki. Algun dia prome cu esaki el a bai Corsow, pa regla aya papelan pa banja visa pa

Miami „ya cu esaki no ta posibel mas na Aruba“.

„Ni un tiki nervio“

E cara un tiki nervioso cu Gladys Kock a presenta eune e anochi di eleccion den Wilhelmina Stadion prome cu el a ser eligi Reina di Aruba, a desaparece completo y a cambia pa un sonrisa alegre riba e dia di salida.

„Pa bisa berdad mi no tabatin ni un tiki nervio manera hopi hende sa tin, ora cu nan viaba pa prome viahe“, asina Gladys a bisa un poco orgulloso.

„Y com bo a pasa abordo?“ a bini un pregunta di nos banda.

„Ay TCA ta masha bon: su ste- wardessnan ta masha carinosa. Den dos hora y mei di viahe, directamente pa Puerto Rico, nos a sinti masha feliz cu e trato. Un desayimo com- pieto nos a hanja y tambe hopi otro pasabocnan“, tur esaki Gladys por a corda di e prome dia cu el a laga su cas pa cruza Mar Caribe, apesar cu e ta lamenta di no por corda tur tur cos cu el a hanjele aden, asina hopi nan tabata.

Miss Viceroy di e anja aki no a vacila ni un momento na acepta e

Nieuwe productierecords bij „De Nederlanden-Fatum“

WILLEMSTAD, 13 mei. — De ontwikkeling van de zaken bij het concern „De Nederlanden van 1845 — Fatum“ zette zich ook in 1960 in binnen- en buitenland krachtig voort. Over de gehele linie werden nieuwe productierecords behaald.

In dit zeer gevarieerde en gespreide bedrijf lopen de resultaten zowel naar

branches als naar bedrijfsgebieden zeer uiteen. De totale bedrijfsresultaten zijn echter, althoewel iets lager dan het uitzonderlijk fraaie jaar 1959, opnieuw zeer bevredigend. Het dividend werd evenals vorig jaar vastgesteld op f 160,— per aandeel.

De groei van het wereld-concern De Nederlanden van 1845 blijkt o.a. uit de navolgende gegevens uit het jaarverslag over 1960:

Premie-inkomen	1959	1960
Bij de schadeverzekering	f 83.588.000,— naar f 88.329.000,—	
Bij de levensverzekering	f 95.406.000,— „ f 109.165.000,—	
Bij de niet-geconsolideerde	f 65.779.000,— „ f 71.711.000,—	
mijnen een stijging van	f 244.773.000,— „ f 269.205.000,—	

Productie en verzekerd bedrag Beleggingen

De productie bij de levensverzekering-maatschappij steeg van ruim f 536 miljoen tot bijna f 663 miljoen; het verzekerd bedrag van f 3.479 miljoen tot f 3.873 miljoen. Inclusief de overige tot de groep behorende maatschappijen bedroeg de productie f 862 miljoen (vorig jaar f 704 miljoen) en passeerde het verzekerde bedrag ruimschoots de miljard van f 5 miljard (vorig jaar f 4.530 miljoen).

Technische reserve De premiereserve bij de levensverzekering-maatschappij steeg van f 749 miljoen tot f 828 miljoen. Bij het schadeverzekeringbedrijf stegen de technische reserves tot f 59 miljoen (vorig jaar f 56 miljoen).

Kapitaal en reserve Het gestorte kapitaal bleef ongewijzigd op f 20 miljoen; de extra-reserves namen evenals vorig jaar toe met f 7,2 miljoen en bereikten daarmee een hoogte van f 81,8 miljoen, daaronder niet begrepen de nieuwgevormde reser-

ven tegen valuta-risico's van f 2 miljoen. De eendeling, der geconsolideerde balans overschreed voor het eerst een bedrag van 1.000.000.000,— gulden. Het totaal van de beleggingen bedroeg per 31 december 1960 f 1.039.300.000,— tegenover f 925.800.000,— per 31 december 1959.

De effecten werden evenals vroeger tegen ten hoogste de aankoopprijs aangehouden. Deze waarderingmethode maakte het in 1960 wederom mogelijk koersen de stille reserve in het effectenbezit hoger dan ooit te worden.

Het concern De Nederlanden van 1845, het grootste verzekeringsbedrijf in Nederland, is over de gehele wereld werkzaam met diverse maatschappijen, samenwerkende maatschappijen, kantoren en agentschappen. Naast eigen kantoren op Curaçao, Aruba en in Suriname heeft zij eigen vestigingen in Canada, USA, Australië, Zuid-Afrika, Venezuela, Frankrijk, Engeland en Noorwegen, terwijl daarnaast een groot aantal gelykwaardige agenten in alle delen van de wereld voor dit concern werkzaam zijn.



PORTRET TRIANGULO RIBA MERCADO DI KESHI — Na Almadar nda a tene ultimamente e prome mercado di keshi dje periodo nobo' e' a' s'err masha bon frecuente. E portret triangulo a' bini na realizacion door di cu e fotografo a probecha dje cu e turistanan a saca portretnan dje cargadonan di keshi i esquinan na nan turno a saca portret dje turistanan.

Dick Daniels a destrona Janny Brokke na L.S.P.

(Di nos Redactor Deportivo)

Den un match di algo mas cu dos ora, e americano Dick Daniels ayera tardi a gana e torneo di tennis singles classe A di Lago Sport Park derrotando Janny Brokke den cuatro set. E conocido Janny Brokke durante cinco anja cu relativo facilidad a conquista titulonnan di campeon na Lago Sport Park. Pero den Daniels el a topa un rival ayera cu a kitele e titulo ey.

E premier set di e match a caba na favor di Brokke 6 pa 2. Tres game

Brokke a gana prome cu perde uno y na 5-1. Daniels a gana su segunda game.

Set number dos a cuniza ta parece un otro facil pa Brokke. Tras di otro e americano Dick Daniels tabata perde punto y luci completamente desconcerta. E weg largo cu Brokke tabata usando no tabata permiti Daniels desbaroy su weg. Cuatro game sig Janny ta gana. Pero apesar di e desventaja Daniels ta cuminsa duna fuerce bataya cu e cinco game di e segundo set. E ta logra cuatro sig pa empatar e match. Especialmente e game cu a empata e gamenan tabata uno huntu cu a duna Daniels hopi animo atrobe. Su shotnan tabata resulta cu mas frecuencia. Brokke ta bolbe bai un game adlanti cada bishita. Pero Daniels ta bolbe empata. Despues di seis set, Daniels ta bai ariba pa di prome bishita e atardi. Pero awor ta Brokke ta esun cu tin di forza pa empatar cada bishita. Finalmente e set ta caba cu score di 19 pa 8 na favor di Daniels empata asina e match na un set pa banda.

Completamente off Janny ta bira awor. E tercer set ta bira uno facil pa Daniels. Cu score di 6-0 e ta gana. Brokke a luci hopi cansa y tabata perde puntanan facil. Despues di e tercer set cu a pone e match dos pa uno pa Daniels, e hungadornan a descansar.

Apertamente esaki a yuda Brokke un poco, pero Daniels hungando cu mucho mas confianza awor ta sigi domina e match. Cu hopi consistencia e ta pone su shotnan di un skina di lereno pa otro poniendo Brokke move masha hopi. Y forzando su clase di weg. Daniels no tabata permiti Brokke usa su mior arma cual tabata e shotnan largo te riba baseline. Daniels a bai ariba 2-0, pero Brokke ta empatar. Despues di otro empate na 3-3, Daniels ta bai ariba te 5-3. Gando e tres siguiente gamenan Janny Brokke ta bai ariba te na 6-5. Atrobe Daniels ta reaccionar na tempo pa empatar e match y luego gana e dos siguiente gamenan pa bira e set y e match. E ultimo a caba cu anotacion di 8 na 6 pa Daniels.

Tanto Brokke como Daniels tabata masha hopi cansa despues di e largo match aki den cual ambos a duna tur loke nan tabata tin.

Herbert Maxwell 'a ripiti como ganador di „B“ klasse

DiaSabra alardi Herbert Maxwell pa di dos anja sigi ta obtene e titulo di campeon di Lago Sport Park den singles B-klasse. Atrobe el a cai den finale cu Stanley LaCruz.

E premier set a worde gana door di LaCruz 6 pa 4. Pero Maxwell ta empatar e match gando e segundo 7 pa 5.

E tercer tambe ta bira uno largo y apesar cu La Cruz ta hanja match-point den dos ocasion e ta perde e set decisivo 7 pa 9.

Asina Maxwell a bolbe bira ganador di e torneo di Lago Sport Park.

UNO?

NO!

VIAJE DI MISS VICEROY

cont. di pag. 1

Nos beach ta mior, nos tin Aruba Caribbean Hotel y Basiruti. Aya tin un lugar pa bende cuminda y bebida so.

„Tabatin un o otro persona cu a pasa boso hopi atencion na Puerto Rico?“

„Mi kier menciona un hende y esey ta Epifanio Sanchez, un oficinista na aeropuerto, kende a puntrami pa ser su amig. Te mes a bira nos beach.“

„Y Gladys, bo tabatin un simple trache di banjo cu bo, o bo a bira un di e alimado „bikini“ nan cu e negoshinan aki ta bende?“

„No, nada di bikini, ni banja mes mi no a banja, pa motibo di mi peinado. Canto di awa mi asina, mira e otro hende banja.“

„E Epifanio Sanchez ey, e tabata „dijes un amigo so?“

„Esey ta berdad, dijies un amigo so, pero masha carinoso“. Gladys a contesta cu su costumbrada harti.

Dilanti T.V.

Un bialta durante di su estadu na Puerto Rico, Gladys Kock huntu su famia a keda invita pa presenta na television. Esaki tabata durante di un programa masha popular riba e musica y baile di Espana.

Naturalmente Gladys no a skapa di e preguntanan manera den ki luna di eal anja el a nace. Y dilanti di e pantalla tambe e mester a conta di Aruba y haci su mes mas conoci, principalmente despues cu den un di e shopping-centra nan a tumela pa un Aleman. „Tambe nan a puntra mi si mi tin novio y atrobe mi mester a contesta, no, no, cu no.“

Riba esaki e director di e programa a hanja bon di sugerir tur e jencunanan den e studio y esnan na cas pa e mainta siguiente bon tempran pa cunfor bai aeropuerto pa dispidi di Gladys. E observacion aki a ser ricibi cu un sin fin di aplauso y fluitamento pa e hobennan. Cuanto a bai aeropuerto e mainta siguiente Gladys no a hanja sabi, pasobra e hora ey ainda e, tabata sonja riba su cama den su cuarto di hotel. E no tabata kier bai for di Puerto Rico pa nada. E informacion di e director di programa cu Gladys lo a bai e mainta ey, naturalmente tabata un di e conocido „joke-nan“ di e profesion ey.

Pa Miami Beach, Florida

Cu avion di „Eastern Airlines“ e famia Arubano a sali pa Miami Beach, pa cumpli cu e regalo di e firma Mario S. Arends. Cuater hora e viahe a dura y na aeropuerto di Miami tabatin Gerald Robertson, agente di Viceroy, kende a viaba for di Kentucky te Miami pa contra cu nos. Gladys a conta nos. Ta den compania di e senior aki nan keiro tur e enuter dianan na Miami.

Gladys, su mama y su papa a hanja un kamber den e luhoso „Beau Rivage“, y atrobe e seniorita Arubano aki tabatin for di su apartamento un

GRAN DEMOSTRACION DI TENNIS PROFESIONAL AWE

(Di nos redactor deportivo)

For di Caracas, Venezuela, caminda na Altamira Tennis Club, nan a hunga un torneo sumamente interesante, ta yega nos isla awe un grupo di tennistanan profesional perteneciente na e Grupo Mundial di Jack Kramer. Ta trata di e cuatro estreñanan Alex Olmedo di Peru, Earl Buchholz jr. di Merea, Ashley Cooper di Australia y e veterano y popularisimo Pancho Segura Cano di Ecuador. E ultimo aki ta bahando como lider di e grupo y ta haciendo su tercer aparicion riba cancha di Lago Sport Park. Tur ta tenista di fama mundial cu a capta gran admiracion internacional caba.

E presentacion di e cuatro tennistanan famoso aki te na e momento aki ta e punto culminante den deporte di anja 1961 y nos ta conseha tur amante di deporte pa no keda sin presencia loke awe noch riba cancha di Lago Sport Park lo worde demostra.

Directiva di Aruba Lawn Tennis Bond a organisa e presentacion aki den cooperacion cu e directivanan di Aruba Sport Unie y Lago Sport Park.

HOROSCOO

ARIESIAN (1 Maart — 21 April)

Expone decisionnan interesante y no larga otro personanan camba bo ideanan.

TAURISIAN (21 April — 21 Mei)

Riba terreno matrimonial, amor y bida priva en particular por presenta algun estorbo.

GERMINIAN (22 Mei — 21 Juni)

E influencia di otro personanan por ta mas fuerte cu di bo; tene cuenta cu esei.

CANCERNAN (22 Juni — 23 Juli)

Amigonan of grupo di personanan por existi hopi bon; no haci mas cu bo por accepta.

LEONAN (24 Juli — 23 Augustu)

Awor ta bo oportunidad pa duna mando; trata di evita a toda costa conflito cu personanan, cu ta para riba bo.

VIRGONAN (24 Augustu — 23 Septemba)

Pone atencion of personanan cu bo por a deseida. No spera mucho ayuda di otro personanan.

LIBRIANAN (24 Septemba — 23 October)

Awor bo fa den un periodo, cu por ocasiona problema cu bo superiornan, personanan cu den otro caso ta di interes pa bo.

SCORPIONAN (14 October — 22 November)

E circunstancianan lo cambia den bo fabor principalmente si bo tabatin dificultad riba terreno di amor.

SAGITARIUSIAN (13 November — 21 December)

Tene cuenta cu fluitamento. Trata di funda bo financia nan riba un base salu.

CAPRICORNIUSIAN (22 December — 20 Januari)

Pone tur bo atencion na bo trabao. Trata di personanan cu kier distrae bo cu nan problema nan.

ACUARIUSIAN (21 Januari — 19 Februari)

Pone tur atencion na ocasionnan di cas of vecindario, caminda principalmente bo ta traha.

PISCES (20 Februari — 20 Maart)

No spanta pa ecomunicacionnan; esaki no a ocasiona danjo nunca, pero si e contrario. Tene cuenta cu obhe-tonan di valor.

For Sale „DIXIE“

30 ft. long sport-fishing Egg Harbor sea skiff, twin Chrysler engines, huiks, fishing gear, many extras.

Demonstrations by appointment —

I. J. KIRKMAN Bungalow 62 - Seroe Colorado Aruba - Phone 2187

PETRONA & CROES

Dakota - tel. 1712-1639

SERVICIO RAPIDO

BON TRABAJO

FATUM

DE NEDERLANDEN VAN 1845

ALLE VERZEKERINGEN

EIGEN KANTOREN IN:	AGENTSCHAPPEN IN:
CURACAO : Willemstad	BONAIRE : Kralendijk
ARUBA : Oranjestad	ST. MAARTEN) : Philipsburg
SURINAME : Paramaribo	ST. EUSTATIUS)
NEDERLAND : Amsterdam	SABA)
: Rotterdam	ANTIGUA : St. John's
: 's-Gravenhage	BARBADOS : Bridgetown
: Haarlem	BR. GUYANA : Georgetown
: Groningen	CHILI : Santiago de Chile
: Arnhem	DOM. REP. : Ciudad Trujillo
: Nijmegen	EL SALVADOR : San Salvador
: Utrecht	GRENADA : St. George's
: Eindhoven	GUADELOUPE : Basse-Terre
: Breda	GUATEMALA : Guatemala
: Goes	HAITI : Port-au-Prince
: Deventer	JAMAICA : Kingston
: London	PUERTO RICO : San Juan
ENGELAND : Parijs	ST. KITT'S) : Basseterre
FRANKRIJK : Oslo	NEVIS)
NOORWEGEN : Oslo	ANGUILLA)
MALAKKA : Singapore	TRINIDAD) : Port of Spain
VENEZUELA : Caracas	TOBAGO)
Geaffilieerde Mij. La Unio: Cia. Nacional de Seguros S.A.	DENEMARKEN : Kopenhagen
UNIE VAN ZUID-AFRIKA : Johannesburg	DUITSLAND : Hamburg
: Durban	IJSLAND : Reykjavik
: Pretoria	AKUREYRI
: Kaapstad	BIRMA : Rangoon
: Bloemfontein	ISRAEL : Tel Aviv
VER. STATEN VAN NOORD AMERIKA : New York	PHILIPPIJNEN : Manilla
: Keene	THAILAND : Bangkok
AUSTRALIE : Melbourne	
Geaffilieerde Mij. Associated National Insurance Co. Ltd.	
: Sydney	
: Brisbane	
: Adelaide	
: Perth	
: Hobart	
CANADA : Toronto	
Geaffilieerde Mijen. The Commercial Life Ass. Co. of Canada. The Halifax Insurance Company.	
: Brantford	
: Hamilton	
: Kitchener	
: London	
: Ottawa	
: Sudbury	
: Halifax	
: Montreal	
: Winnipeg	
: Edmonton	
: Calgary	
: Vancouver	

air condition NOW

ELMAR

YOUR ADDRESS FOR DETAILED INFORMATION

R.C.A. a triunfa 2-0 den partido inaugural riba RIVERPLATE

(Di nos Redactor Deportivo)

E temporada oficial di futbol pa aña 1961 a keda inaugura diaSabra anochi cu un programa ceremonial, cual a culmina cu e partido entre e campeonnan di R.C.A. y e benjaminnan di Riverplate. E parti ceremonial a cuminsa cu un desfile na cual e turba parti unicamente ocho di e 36 clubnan afilia na Aruba Voetbal Bond. Sin duda algun ta un porcentahe sumamente abao y un muestra di poco interes di e otro 28 clubnan cu a brilla cu nan ausencia. Como e club mihor representa den e desfile Riverplate a gana e copa, merecidamente.

Otro partinan di e ceremonia a inclui discurso di e president di AVB, Sr. Porfirio Croes, hisamiento d' bandera di Antillas Hulandes y di AVB y luego sake inicial door di e Reina di Deporte Sra. Mari na Diaz.

Sendo e ceremonianan di inauguracion conclui, a subi terreno na enfrente otro Los Tricolores de Solito y Los Rioplatenses.

Breinburg: Dos gol pa e victoria

Bao direcc'on di referi Elio Tromp e partido inaugural a worde hunga.

GRADICIMENTO

Directiva di East Star ta duna un palabrá di gradicimento na tur publico y miembronan di East Star cu a asisti na fiesta riba tereno di East Star pa Aña di nos Reina y especialmente na Apolonio Werleman cu a duna su bunita cooperacion na e programa.

Na number di directiva,
JACOBO WERLEMAN
ANTONIO MORILLO
JAN PAESCH

TA SOLICITA

na oficina mediano di comercio
na Oranjestad

DAMA PA OFICINA
pa correspondencia y administracion

Ta exige: MULO diploma

Ta preferible cu experiencia

Dirigi solicitud por escrito na oficina di:

Arubaanse Courant, Nassaustraat 85, Oranjestad.
Menciona riba e envelope letter „Z”.

den cuinan e porteronan tanto Loefstok como Korssen a luci haciendo bon atrapada. E promer gol di e campeonato a worde anot den di 27 minuut door di e delantero Breinburg di RCA. E unico gol di e promer tempo tabata esun aki.

Un magnifico chens pa empatia e partido den e segundo tempo a surti pa Riverplate su delantero Benito Martinez d'endi 14 minuut ora cu e ta hanta un pase y ta rush completamente so riba gol. Un mal bounce di e bala na momento cu e ta bai shot ta danja e bala oportunidat ey.

Tel. 1637 Rondweg 49

Bloemenhuis ROZENoord

pa FELICITACION DI NACIMIENTO

Laga un experto haci bo trabao

Den di 22 minuut di e segundo tempo, despues cu varios atake di e tricolornan a fracasa, e score ta hanta un cambio agrobe. Di un pase di Rey Franken pa Breinburg, kende ta shoot lastra den skina completamente for di alcance di keeper Korssen, e segundo gol pa RCA ta bira realidad. Score 2-0 na favor di RCA. Riverplate den e partido ta bolbe usa su sistema di usa unicamente cuatro homber den linea di atake. Un sistema cu ta parece nos no unicamente dificil, sino imposibel pa duna un equipo tan hoben algun clase di exito. Ta un sistema cu por worde usa door di equiponan cu t'n un linea delantera di excepcional control, dominio di bala, un gran conocimiento di wegá, y tambe un dos grandi di rapidez. Di tur esakinan loke e rioplatensesan tin caba ta e ultimo, esta rapidez. Nos ta kere cu ta consechable pa e entrenador di Riverplate cuminsa usa otro tactica. Esun actual ta demasiao defensivo.

Un minuut promer cu e pitazo final di referi Tromp, kende tabata tin un anochi sin dificultad algun loke ta debi tanto na e forma den cual e dos equiponan a hunga como na su propio correcto actuacion, door di half Orman di RCA ta worde cometi handsball den doelgebied. E penalty, cu a presenta e chens di salba honor pa Riverplate, ta worde cobra door di Ezequiel Andrews. Su shot ta bai directamente riba curpa di Godo Loefstok, kende facilmente ta taha e cuero.

"PAGINAS"

obtenible na UNION STORE

Mainstreet — San Nicolas

E partido a caba cu un anotacion di 2-0 pa RCA, cu asina a obtene su promer dos puntanan di e campeonato 1961.

E wegá demostra door di e oncená tricolor tabata di hopi dominio y di calibre campeonil. Aunke cu no ta

CEMPRO N.V.

Wayaka - tel: 2444

PA TUR BLOKKI Y CABAJETA
CEMENT DI PRIMER CALIDAD

tur e hungadornan tabata tin un bon anochi, e equipo riba su mes tabata click. No ta algo nobo di parti di e oncená tricolor, al contrario ta algo cu semper e oncená aki tabata tin. En todo caso nan a muestra va den nan promer wegá, cu pa kita nan for di e promer puesto ta hopi bala e otro click lo tin di hunga. Pa kita e determinacion cu e tricolornan tin lo mester bin un otro determinacion hopi mas fuerte y grandi.

Pero, e bala ta rondó, y si nos mester kere loke algun di e otro clubnan ta pronostica anto nos lo a presencia comienzo di un interesantísimo campeonato. Varios di nan ta sigurando cu e anja aki nan lo muestra k' clase di verdadero futbol nan por hunga y cu nan tin plena confianza di bai cu e título.

ACUMULADOR WILHELM HAGEN

pa tur uso.

Boto — auto — motocicleta.

GENERAL STORE

di C. L. Juliao.

Oranjestad 26

E fanaticonan di e deporte rey di nos isla, cu a acudi den numero hopi grandi diaSabra den Wilhelmias adion, por conta pues cu e campeonato ta priminti di bira algo excepcional.



COMO A TI TE GUSTA

E. F. Debrot, Inc.

Cumpleaños



E gentil caballero Aniceto B. Tromp ta recorda su fecha natal y ta ricibi un cordial pabien di su mama M. padrao Cristoforo, tur su rumanan, tanta y omonan, prima y primo, nan, muy cu especialmente di tur su amigonan di S.V. Jong Aruba tambe di su amigonan di Exso Aruba.



Ta cumpli 10 anja e hobenito Edmond Isidro Jacobs y ta ricibi felicitacion di su tata, mama, rumanan Roland y Marcel Jacobs, 2 welanu, welo, tur su tantanan, prima y primo, nan, especialmente di su padrina Rosalinda Schoop, madrina Erna Chateau na Corsow.

Ta celebra su feliz cumpleaños Marcel Croes y ta ricibi felicitacion di su esposa Maria, dos hijanan Bernadeth y Greta, mama Tilda, rumanan, amig y amigonan y demas familia Croes y Rasnjini.

Ta celebra su fecha natal e linda hobenita Johanna Pangrasia Geerman y ta ricibi felicitacion di su mama Catalina, tata Chalie, ruman Luky y Fredi, tanta y omonan, wela Chita, welo Felix, y Antonio, madrina Berta y Lucia, padrina Epifanio, Carmen Croes, Dita, Sefia, Annie Hoeveitsz, amiguan di 4de klas Filomena College na San Nicolas.

Ta cumpli 1 anja e hobenita Edith Arends y ta ricibi felicitacion di su mama Cefarina, ruman Glenda Arends, pepe Chiché Arends, omo Jan Dirksz, welanu Logenia Arends y Maria Kock, welo Caludo Kock, tanta y omonan, familia Kock y Arends.

A recorda nan 24 anja casa sr. Nicolaas y sra. Agripina Pena y ta ricibi felicitacion di nan 12 hijanan, 4 nietonan, suegra y suegro, tur cunianan, comier y comparnan, tambe di tur sobrinanan, especialemente di Nona Pena y demas familia Pena, Dirksz, Hernandez y Rosel.

Ta cumpli 24 anja August'a Arends y ta ricibi felicitacion di su estimada esposa Cefarina, junan Glenda y Edith Arends, tambe di su mama, ruman, suegra y suegro, familia Arends y Kock.

Ta cumpli 45 anja Maria Kock y ta ricibi felicitacion di su esposo Calindo, junan Cefarina, Victoria, Robert, Manuel, Eufrazio, Albertico, Mercedes, Crispina, Albertico, Angela, Lucia, tambe di su estimada nietonan Glenda y Edith Arends, Chemi Koolman y August'a Arends.

poco poco den dianan di november. Richard no a bin cas; su squadron tabata reemplaza y tur verloftan a queda suspendi. E tabata skirbi continuamente, pero su cartanan, aunque entusiasma, tabata masha vaga. E envelopnan tabatin stempel di Kent; pero e no a skirbi den cual parti di condado e tabata sinta y tampoco e no a menciona particularidad di su trabao. "Ma promove", el a bisa. "Si guiente cartanan boso mester manda na direccion di: Squadronier Fenton".

Rick ta bai di e opinion cu su man drechi no mester sa loke su man robesz haci". Andrew a observa, Alan a observa.

Anto Margaret a responde: "Nan mester ta prudente pasobra e noticianan ta contradici otro y mi curazon ta krimp 'n ora".

Y Margaret tabatin razon, pasobra nan tabata awa di no papia nada tocante movecion y cambianan den e hercho, pa enemignan no tende.

Tambe tabata prohibi di bisa otro ta den cual die campanan enemignan a aglomera su trupanan.

Cortinanan preti, tabata tapa tur bentanah anochi, mientras benchion di rayo tabata ser tira den eier. Inglaterra tabata prudente y cuidadoso. Tur preensacion posibie tabata tuma. Mascarnan di gas tabata ser parti na tur caminata; mucha y muheran tabata lora verband y tabata practica e les di paga candelá.

Cu ansia Nicolina tabata mira tur loke tabata pasando den su alrededor y e tabata queda masha steno di e calmo di pueblo ingles. Nan luga a ser amezaya y sin embargo nan tabata. "Ma promove", Richard a skirbi. Pero e no a bisa di quico ni na quico. Hende no bisa blof cu semehante cosnan.

Andrew tabata haci trabao di dos homber y tabata desea pa un dia por tabatin dos bez mas tantu oranan, anto e ora el e por a haci mucho mas tantu. E tabata mescos cu Richard un die hopinan cu tabata sacrificá nan mes enteramente.

Enter personal a bai. Ta solament Wilks a resta. Sin embargo e tabata tene su cas na orden, e tabata cui-

Agenda

ARUBAANSE COURANT
diariamente cu excepcion di
dijadomingo

Edicion pa:
N.V. ARUBAANSE DRUKKERIJ - DR
HOUTVEVER, EN PUBLICITEITS BIA
Nassaustraat 85 - Oranjestad, Aruba N.A.

Subscription / 3. — paga adelanta
Edicion suizo 30 ct.

Telefon:
1118 Directiva y anuncio
1119 Redaccion y suscripciones
Directieuroedredactie: D. W. W.

Imprenta pa M.V. Drukkerij "De Sted"

Edicion suizo obtenible na 30 cent na:

Union Store, San Nicolas, Boekhandel

Mariska, Oranjestad - y Cabana Shop,

Aruba Caribbean Hotel.

DE VEEER: 8.30'or "Sergeant Rutledge" 18 J.

PRINCIPAL: 8.00'or "Sergeant Rutledge" 18 J.

AURORA: NO TIN CINE

SAVANETA: 7.30'or "Romare" het melsje

met de groene ogen", 18 J.

WIT GELE KRUIS

Oranjestad: Zr. Ewald

San Nicolas: Zr. Perpetua

Santa Cruz Zr. Ludovic

Hospitaal San Pedro di Veropa, tel. 2200.

BOTICA DI WARDA

Oranjestad: BOTICA ODUER, tel. 1780.

San Nicolas: BOTICA SAN LUCAS, tel. 5119

POSTSLUITINGEN

Maandag

Bonaire 9.00: Canada 9.00: Canal Zone

15.30: Barranquilla 15.30: Costa Rica 15.30:

Cuba 9.00: Curacao 9.00 en 16.00: Europa

9.00 en 15.30: Guatemala 15.30: Jamaica

9.00: Mexico 15.30: Miami 9.00: New York

9.00: Nevis 16.00: Panama 15.30: St. Kitts

16.00: St. Maarten 16.00: Caracas enz. 15.30.

RADIO KELKBOOM

Dialuna 15 di mei

8.00 Opening

8.02 Selection Musical cu disco Latino

8.30 Cumpleaños Feliz

9.00 Variacion Musical cu discos Europeo

9.00 — Norte, Americano y Latino

9.30 Musica Instrumental

10.00 Ritmo Latino

10.30 Noticia di N. Habibe Jr. Supermarket

10.30 Musica Norte Americana

11.15 Musica Antillana

12.00 Lunchmuziek

12.10 Aruba Candle ta presenta "Noticias

Local" (Pap.)

12.30 Aruba Boekhandel biedt U

"Nieuws in het Nederlands"

12.45 Intermedio Musical

12.55 Viana Auto Supply brings you

"Nieuws in a nutshell" (Eng.)

1.00 Musica varia

1.30 Mei ora cu Boleros

2.00 Variacion Musical

2.30 Musica Instrumental

3.00 Cha cha cha

3.15 Merengues

3.30 Nan spaar placa cumprando na

La Esperanza

4.00 Rancheras

4.30 Noticias na Pap. pa cortesia di Wimco

4.45 Cocktail musical

5.00 Danzones Cubano

5.15 Musica varia

5.30 Alle Hens

6.00 Fiestas de Calypso

6.15 Gloria Matancera

6.30 Dinnermuziek

7.00 Aruba Trading Co. ta presenta

"Noticiero Schlitz" (Pap.)

7.15 Musica varia

7.30 Musica Hulandes

7.45 Mercurius Trading Co. biedt U

"Nieuws in het Nederlands"

8.00 Boekbespreking

8.15 Colgate-Palmolive ta presenta su

novela "Estrellita"

8.30 Variacion musical

8.50 Bellphones

9.30 Caravana musical

10.00 Sluiting

RADIO VICTORIA

Dialuna 15 di mei

11.00 Apertura

11.15 E Mundo Femenino

11.30 Melodias di Merdia

12.00 Ultimas Noticias

12.15 Musica Sagrada

12.30 World News

12.45 Organ Memories

1.00 Radio Concert Hall

2.00 The Reading Room

2.15 Sacred Songs

2.30 The Quiet Hour

2.45 Phoenos Musicale

3.15 Cafe con Musica

3.30 Ecos del Claflo

4.00 Musica di Banos

4.15 Ecoman Celestial

4.30 E hora Adventurosa

4.45 Waltznan Favorito

5.00 La hora Nazarena

5.15 Palabranas di Bida

5.30 Intermedio Musical

5.45 Timonito

6.00 Ultimas Noticias

6.15 Bo. pregunta, Contesta

6.30 Noticias Hulandes

7.40 Musica Clasica

7.50 The Bandstand

7.30 Cavalcade of America

8.10 Off the Record

8.30 Back to the Bible

9.00 Musica Gena

9.30 Light and Life Hour

10.00 World News

10.15 Hymns that Live

10.30 Sign Off

RADIO CARACAS TELEVISION

Lunes 15 de mayo

8.35 Patron de Radio Caracas Television

8.57 Informacion sobre los progr. del dia

9.00 Documentales

9.30 Senderos de luz

9.45 Cinematograficos

10.00 El Calendario de mama.

10.30 Cosas de Mujeres

11.15 Cortos Cinematograficos

11.30 La Perfecta Ama de Casa

12.00 Lac V.I.H.T.V. Informa a la Nacion

12.05 Telenovela Fab

12.25 Show de Saume

1.35 El Imparcial Television

2.00 Punto y Aparte

2.30 Club Femenino

3.00 Estudio de Hector Monleverte

3.30 Telenovela

4.30 Club de los Niños

5.30 Cine variedades "Yukery"

6.00 Show de Renny

7.15 La novela de las 7.15

7.30 Papa lo sabe Todo

8.00 El Observador Creole

8.15 Su novela Palmolive

8.30 Esta noche Billo

9.00 Novela Canay

9.15 Amador Bendayan en T.V.

9.30 Persiguiendo el crimen

10.00 Noche de Miedo

11.00 Cine-Programa

12.30 Marcha Oficial, Himno Nacional

Despedida

CISCO KID

1. "Mi mester salvé!" 3. "No temblá! enjorita! Nada no a pasa bo!"



JUAN EL INTREPIDO

1. "Hunter, bo a bini pa un reportaje cu foto.... y lo bo hanje. Mi ta suspende tur otro tarea pa dedica e dia di awel!" 2. "Y te aki mi ta jega Nago. Bo a gana bo reportaje exclusivo!" 3. "No tumele cu tanto importancia! Lo mas seguro ta cu prensa lo exagera tocante mi sedicente 'heroismo'.... Y di bo e lectoran lo b'as. 'Esta hon hida e Hunter ey ta hiba biahando gratis.... y cu sueldo!'"



DICK TRACY

1. "Desarma. Sam ta haci e unico cos cu e por esta corpa e porta." 2. Tarter kende ta herida ta pasa man pa su hacha. 3. E ta tuma masha precaucion.



RIP KIRBY

1. "Mi jama Rip Kirby. Mi ta un detective privado, sra. Lamont." 2. "Pa e forma cu bo ta papia, lo no sirbi nada di nenga mi identidad." 3. "E preguntanan ta masha boni y ta abo so por responde nan." 3. "Mi a caru masha esperanza cu esaki.... lo no a jega nunca."



EL PRECIO DEL TRIUNFO

1. "E ta asombra mi! Saxon ta insiti pa mi keda aki.... y mi ta rechaza e impulso di haci lo que mi quier haci!" 2. "Pero mi no por opera Jessica! Nan mester comprende esey!" 3. "Dr. Orwig.... mi t'n algo di bisa bo!" "Saxon, atrobe?"



EL DIARIO DE UNA VIDA

1. "Perdona mi, mi amor, pa e manera cu mi ta trata ayera.... eh?" "Quizas mi tambe a haci un error. Nos ta na paz." 2. "Mi a pasa na agencia di hialhe y mi a core e folletan di informacion. Mmm.... palmera.... hiki.... musica di guitarra...." "Tula...." 3. "Mi no ta gusta c'ermano calido. Mi tabata quier bay terra fro.... na unda nos por ski...."



PEPITA

1. "Mi no por drumi.... mi mester tin hamber." 2. "Mi sandwich preferi! Sardini, Carni mula y keshi cu pan bruin!" 3. "Quico lo a duna mi e dolor di stomia aki?" "Mester ta e sandwich...." 4. "Imposible! Mi a come tos mescos promey cu mi a drumi y gada no a pasa!"



Declaracion di general Nosavan

VIENTIANE, 12 mei. — General Phnomi Nosavan, vice prime ministro y ministro di defensa di gobierno na Vientiane a declara diavieses, cu su gobierno lo no manda ningun delegacion na Gierve, mientras armisticio pa Laos no denta na vigor.

El a bisa cu te ainda nan ta tira na Laos. El ministro a propone e lider neutralista principe Soevanna Phomma y lider di Pathet-Lao pro-comunista, pa convoca un reunion awe diavieses na Phnom Penh (Cambodja) pa trata na termina e impasse.

Ta prohibi demonstracion na Argelia 13 di Mei

ARGEL, 12 mei. — Un representante di gobierno Frances na Algeria a haci un advertencia serio, pa no tene demonstracion dia 13 di mei, e fecha riba cual na 1958 Argelia a tuma lugar. E mes un advertencia el a haci pa dia 20 di mei cu ta bini, en ta e dia di apertura di negociacionnan cu e gobierno provisional di Argelia. Unidnan a hiba e encargo pa tuma medidanan di seguridad.

E unidnan aki cu ta percura pa oiden na Argelia a hiba autorizacion pa si ta necesario nan haci uso di nan armamento pa nan por checta nan tarea.

Proposicion di Albert Kalondji

LEOPODISTAD, 12 mei. — "Key" di Estado di mira Sur-Kasai, Albert Kalondji, a haci algun proposicion pa e estructura nobo pa Congo, durante e conferencia di lidernan Congoles na Coquilhatstad.

Ataque di rebelde-nan na Sao Salvador

LISSABON, 12 mei. — Un ataque di rebelde-nan riba e aldea Sao Salvador, norte Angola a ser rechaza, segun e agencia Portugies di noticia ta informa. Dos militar Portugies a ser herida. Hopi Africano na Norte Angola, segun Lusitania ta rindi e autoridadnan Portugies y e poblacion di bendenan proteccion.

Portuguesnan cu a hui di Macozola na Santa Cruz ora cu e rebelde a cominsa diadibies invano a trata di regresa na nan aldea.


Discurso di Krushev den palacio Tiflis

MOSKOU, 12 mei. — Prime ministro Kruetsjef di Union-Sovietica a bisa den un discurso den palacio di deporte Tiflis, "cu entre su persona cu Kennedy ta existi un diferencia, manera dia for di anochi, pero nos mester existi huntu y busca un idioma comun den kestionnan relaciona cu paz".

E lider Sovietica a bisa cu guerra ta stroba tur ideanan di comunistanan. "Nos lo logra victoria sin guerra". Segun Kruetsjef, Stalin "ta un dje lidernan di mas importante den democracia-social revolucionario na Georgie y henter Transkaukasie, y despues a bira lider prominente di nos partido". E palacio di deporte Kruetsjef a yama un santuario di arte di construcion, pero p'e meson placa ey por a traha un dozin di school. E ora ey lo no tabata necesario pa muchanan bai school na grupo.

Terrible colision na Roma

ROMA, 12 mei. — Durante un colision entre un autobus y un train den central Italiano, trina persona a ser herida. Asina e oficina di prensa Frances, "A.F.P." ta anuncia.



Den e museo zoologico di Amsterdam tabatin den e dianan aqui un exhibicion over di bayenan. Aqui nos por contempla un eskeleta di un dje habitantenan di lamar Noruego cu por a hanja net un luga cu su 15 meter di largura.

Voz y zonido di Lago lo forma Ora di Lago nobo

E voz y sonidonan di Lago lo duna un aspecto na e programa di radio "E Ora di Lago" a cuminsa e siman di April 30. E programanan semanal di Lago lo hiba oyentenan paden di refinaria na luganan di trabao, na reunionnan, den salanan di conferencia pa discusion y entrevistanan manera nan ta socede.

E serie nobo di programa lo presenta hopi voznan na Lago, no solamente esnan di miembronan di Comité Ejecutivo manera a worde presenta den e serie anterior. Cu e voznan lo worde transmiti e zonidonan asocia cu e voznan aki durante dia di trabao.

E programanan di april 30 y mei 3, cual lo habri e serie nobo, lo ta un grabacion di e ceremonianan di april 12 pa honra empleadonan cu a cumpli 30 aña di servicio. E programa lo inclui comentariannan di presentacion door di W. A. Murray, vicepresidente di Lago; comentariannan di aceptacion door di e empleadonan Orlas A. Redhead, Adolfo A. Marval, Damasio Rasmijn y Jacinto Yanguar; y historia di carrera di e hombernan door di M. E. Fisk, superintendente di Process Department, y G. L. MacNutt, superintendente di Mechanical Department.

E primer programa di Lago den e forma nobo ta un chemplo di e reunionnan cu lo worde transmiti. Obieto di e transmisionnan ta pa introduci radio oyentenan cerca actividadnan di empleadonan paden di refinaria. E segundo programa, cual lo worde transmiti e siman di Mei 7, lo ta tocante e Olimpiada na ocasion di Anja di La Re na Juliana. Descripcionnan corrientes di e ventonan atletico lo worde juna e anochi di Olympiada, april 29, y despues transmiti den e programa Ora di Lago. Programanan pa futuro lo inclui ceremonianan di presentacion di oleshi di binticinco anja, drentamento di un supertanker manera e lo worde des-

cribi for d' dek di un remolcador di Lago cu ta yuda e tanquero mara, entrevista cu dirigidonan di trabao na nan lugar di traha. Esakinan ta tres chemplo di un serie di programa cual lo tree voznan y zonidonan di Lago den e cas di cada oyente.

E programa Ora di Lago a cuminsa augustus 23, 1959.

Ee serienan di mei ora lo worde transmiti over di dos di e radio emisoranan di Aruba en bez di tres manera antes tabata worde haci. Cuminsando diadomingo, 30 di april, programanan na Ingles lo worde transmiti over di Radio Ke'khoom, e emisora cual antes tabata encarga cu e transmision di Ora di Lago na Hulandes. Radio Ke'khoom, na 1435 kilocycles, 209 meter na bo radio, lo transmiti e programa nobo di Ora di Lago for di 7 pa 7.30 cada diadomingo anochi. Programanan na Papiamentu lo continua di worde presenta over di Voz di Aruba cada diazason anochi for di 6.30 pa 7. Voz di Aruba ta transmiti na 655 kilocycles, 457 meter na bo radio.

Eisenhower a dirigie na Mericanonan


GETTYSBURG, 12 mei. — Ex-presidente Eisenhower diadibies a haci un yamamento na pueblo Mericano, pa uni na mes tras di e politica di exterior di presidente Kennedy. E ex-presidente a declara despues di un deliberacion cu miembronan di su ex-gobierno na Gettysburg, cu e pais ta den un serie di crisis y cu awor aki no ta tempo pa desunio.

Partido republicano ta na lado di e gobierno democratico pa atende problema cu exterior, asina Eisenhower a bisa. Pa lora asintunan di interior e republicanonan ta keda cu e derecho pa critica.

E o nan no tabata di acuerdo cu e program agra di presidente Kennedy.

Participacion dje compania Aeroflot

MOSCU, 12 mei. — E director di e compania di aviacion di Rusia Aeroflot, general Loginof, a participa cu e compania ta intencionan pa abri bula riba e ruta Moscú-Habana. Tambe pronto nan lo cuminsa bula riba diferente pais occidental y na sur-Asia.



REGRESO DI PRINS BERNHARD FOI ESTADOS UNIDOS — Aqui nos ta mira e momento cu Prins Bernhard a regresa Hulanda despues di e consultonan cu el a cabi di tene na Merca i Canada. Na Schiphol e prins a ser cordialmente saluda pa La Reina Juliana.